



国家出版基金项目  
NATIONAL PUBLICATION FOUNDATION

【清】顧炎武 撰 劉永翔 校點

音學五書（三）

韻補正

顧炎武全集

上海古籍出版社

顧炎武全集

音學五書（三）  
韻補正

【清】顧炎武 撰 劉永翔 校點



上海古籍出版社

音 學 五 書(二)

劉永翔校點



# 唐韻正上聲卷之九

音學五書二十五

## 三十三哿

## 三十四果

古與三十三哿通爲一韻。

妥他果切。

古音綏。

儀禮士相見禮：「凡言非對也，妥而後傳言。」註：「古文『妥』爲『綏』。」詩：

「綏我眉壽。」「綏」音妥。

禮記曲禮下：「大夫則綏之，國君綏視。」註：「綏讀曰妥。」音義：

「妥，湯果反，又他回反。」

檀弓文子：「其中退然如不勝衣。」「退」或爲「妥」。

易繫辭傳：「易繫辭傳：「夫坤隤然，示人簡矣。」「隤」字陸董姚本並作「妥」。儀禮特牲饋食禮：「佐食授接祭。」註：

「古文『接』作『綏』」，少牢饋食禮：「佐食以綏祭。」註：「『綏』或作『接』。『接』讀爲『墮』。」上佐食綏祭註：「綏亦當作接。」有司徹其綏祭其嘏亦如儻。」註：「綏皆當作接。」接讀爲「藏其惰」之「惰」，古文爲「撝」，今詩「以妥以侑」，及士虞禮「主人及祝拜妥尸」，特牲饋食禮「主人拜妥尸」，少牢饋食禮「祝主人皆拜妥尸」，不从系，亦不从手。而廣韻無「接」字，但於「接」字下註云：「俗作接，兩見於六脂、八戈部中。一音蕤，一奴禾反。」按此字从妥則當音惰，从妥則當音綏。詩：「福履綏之，嘉賓式燕。」「綏之」並與纍爲韻。「雄狐綏綏。」與崔爲韻。「福祿綏之。」與摧爲韻。「左右綏之。」與追爲韻。但古文傳寫多混，遂以「妥」字作他果音矣。集古錄楊南仲釋周鼎銘曰：「妥字說文無之，蓋古綏字省系爾。其後相承讀如婧，故妥疑讀爲綏。」漢書武五子傳：「薰鬻徙域北州以妥。」師古曰：「妥音湯果反，非也。妥即古綏字。」說文：「妥从木，妥聲。」今「妥」字在六脂韻，音蕤。當改入脂韻。

火呼果切。

古音毀。詩七月首章：「七月流火，九月授衣。」二章同。三章：「七月流火，八月萑葦。」大田見入聲臘字下。左傳僖十五年晉獻公卜繇：「爲雷爲火，爲羸敗姬。」商子畫策篇：「聖人見本然之政，知必然之理。故其制民也，如以高下制水，如以燥濕制火。」淮南子俶真訓：「巫山之上，順風縱火，膏夏紫芝與蕭艾俱死。」說山訓：「燭蟬者，務在明其火。

釣魚者，務在芳其餌。」易林乾之小過：「從風放火，荻芝俱死。」泰之旅：「從風吹火，牽驥驥尾。」同人之漸：「魁行搖尾，逐雲吹火。」坎之大壯：「乘船渡濟，載水逢火。賴得免患，我有所恃。」說苑談叢篇：「君子得時如水，小人得時如火。」吳越春秋：「目臥則攻之以蓼，足寒則潰之以水。冬常抱冰，夏還握火。」說文：「火，燬也。」釋名：「火，毀也。物入火中，皆毀壞也。」爾雅釋言：「燬，火也。」疏：「李巡曰：燬，一名火。」孫炎曰：「方言有輕重，故謂火爲燬。」郭云：「燬，齊人語。」方言云：「燬，呼魄切，火也。」楚轉語也。猶齊言焜，音毀，火也。」按：火音毀，轉聲則爲喜，故灰字從火得聲，而左傳襄三十年：「或叫於宋太廟曰：『謳謳出出，鳥鳴於毫社，如曰『謳謳』。』」則爲火之徵也。廣東通志曰：「古人一年四時改火。今瓊州西鄉音謂一年爲一火。火音微。東鄉人謂年爲喜，或謂之化，乃火之變音。」當改入止韻。

## 三十五馬

此韻當分爲二。

馬莫下切。

古音莫補反。

書五子之歌見下。詩漢廣二章：「翹翹錯薪，言刈其楚。之子于歸，言

秣其馬。」擊鼓三章：「爰居爰處，爰喪其馬。于以求之，于林之下。」叔于田三章：「叔適野巷，無服馬。豈無服馬，不如叔也，洵美且武。」大叔于田首章：「叔于田，乘乘馬。執轡如組，兩驂如舞。叔在藪，火烈具舉。袒裼暴虎，獻于公所。將叔無狃，戒其傷女。」株林二章：「駕我乘馬，說于株野。」東山四章：「倉庚于飛，熠燿其羽。之子于歸，皇駿其馬。」四牡二章：「四牡騤騤，嘒嘒駱馬。豈不懷歸，王事靡盬，不遑啟處。」吉日二章：「吉日庚午，既差我馬。獸之所同，麌鹿麋麇。漆沮之從，天子之所。」十月之交見氏字下。  
采菽首章：「采菽采菽，筐之筥之。君子來朝，何錫予之。雖無予之，路車乘馬。又何予之，玄袞及黼。」懸二章：  
「古公亶父，來朝走馬。率西水滸，至于岐下。爰及姜女，聿來胥宇。」崧高五章：「王遣申伯，路車乘馬。我圖爾居，莫如南土。」有客：「有客有客，亦白其馬。有萋有且，追琢其旅。」  
駢：「駢駢牡馬，在駢之野，薄言駢者。」易繫辭下傳：「服牛乘馬，引重致遠，以利天下。」  
左傳閔元年：「震爲土，車從馬。」昭二十五年童謡：「鸚鵡之羽，公在外野，往饋之馬。」楚辭離騷：「紛總總其離合兮，班陸離其上下。吾令帝闔開關兮，倚闔闔而望予。時曖曖其將罷兮，結幽蘭以延佇。世溷濁而不分兮，好蔽美而嫉妬。朝吾將濟於白水兮，登闔闔風而縹馬。忽反顧以流涕兮，哀高丘之無女。」九歌國殤見下。  
管子小匡篇：「美金以鑄戈劍矛戟，試諸狗馬。惡金以鑄斤斧鉏夷鋸攜，試諸木土。」七臣七主篇：「臺榭相望者，亡國之廩也。馳車

充國者，追寇之馬也。羽劒珠飾者，斬生之斧也。」莊子達生篇：「譬之若載驥以車馬，樂鸕以鍾鼓也。」盜跖篇見下。

韓非子功名篇：「故曰：至治之國君若桴，臣若鼓，技若車，事若馬。」大戴禮五帝德篇：「富而不驕，貴而不豫。黃黼黻衣，丹車白馬。伯夷主禮，龍夔教舞。」六韜三陣篇：「用車用馬，用文用武。」突戰篇：「令我壘上，多積強弩。百步一突，門有行馬。車騎居外，勇士銳士，隱伏而處。」史記秦始皇紀琅邪臺刻石文：「六合之內，皇帝之土。西涉流沙，南盡北戶。東有東海，北過大夏。人迹所至，無不臣者。功蓋五帝，澤及牛

馬。莫不受德，各安其宇。」天官書：「王良策馬，車騎滿野。」滑稽傳：「楚莊王之時，有所愛馬，衣以文繡，置之華屋之下，席以露牀，昭以棗脯。」漢司馬相如上林賦：「蒙鶻蘇，綺白虎。被斑文，跨野馬。」枚乘七發：「誠奮厥武，如振如怒。沌沌渾渾，狀如奔馬。混混庵庵，聲如雷鼓。」

如雷鼓。」

韓詩外傳：「徵幸者，伐性之斧也。嗜慾者，逐禍之馬也。謾誕者，趨禍之路也。毀於人者，困窮之舍也。」說苑同。淮南子天文訓：「至於悲泉，爰止其女，爰息其馬。」繆稱

訓：「善御者不忘其馬，善射者不忘其弩，善爲人上者不忘其下。」齊俗訓：「是從牛非馬，以徵笑羽也。以此應化，無以異於彈一絃而會棘下。」詮言訓見後字下。說山訓見狗字下。

說林訓：「君子之居民上，若以腐索御奔馬，若履薄冰蛟在其下，若入林而遇乳虎。」文子微

明篇：「上五之與下五，猶人之與牛馬也。」

王褒四子講德論見去聲寇字下。

易林觀之

晉：「膠車木馬，不利遠賈。」

無妄之渙：「狗生龍馬，公勞嫗苦。」

大畜之大有：「黃帝出游，

駕龍乘馬，東至太山，南遇齊魯。」

咸之同人：「以鹿爲馬，欺誤其王。」

恒之益：「東資齊

魯，得驛大馬。便辟能言，市人善賈。鄰人併戶，請火不與。人道閉塞，鬼祟其宇。」

遯之豫：「王良善御，伯樂知馬。周旋步驟，行中規矩。」

解之晉：「異國他土，出良駿馬。」

鼎之夬見走字下。

說苑指武篇：「如厖之守戶，如輪之逐馬。」

太玄經更次五：「童牛角馬，不今不古。」

逃次三：「兢其股，鞭其馬，寇壘其戶。」

玄文：「君子乘位，爲車爲馬，車輶馬駢可以周

天下，故利其爲主也。」

漢書禮樂志郊祀歌練時日篇：「靈之下，若風馬。左倉龍，右白虎。」

又見下。王莽傳見斗字下。揚雄太僕箴見下。越絕書記地傳：「夫越性脆而愚，水

行而山處。以船爲車，以楫爲馬。」

敘外傳記：「子胥何由，乃困於楚，范蠡不久，乃爲狂者。」

句踐何當，屬莖養馬。」又見走字下。

參同契：「燕雀不生鳳，狐兔不乳馬。水流不炎上，火動不潤下。」

崔駰安封侯詩：「被光甲兮跨良馬，揮長戟兮彀強弩。」

張衡西京賦見下。

又見平聲溝字下。李尤平樂觀賦：「翫屈奇之神怪，顯逸才之捷武。百僚于時，各命所主。」

方曲既設，祕戲連敘。逍遙俯仰，節以韜鼓。戲車高橦，馳騁百馬。連翩九仞，離合上下。」

孤兒行：「父母在時，乘堅車駕駟馬。父母已去，兄嫂令我行賈。南到九江，東到齊與魯。臘月來

歸，不敢自言苦。」南齊書樂志引周處風土記：「吳黃龍中童謡云：『行白者，君追汝，句驪馬。』後孫權征公孫淵，浮海乘舶。舶，白也。」者，一作渚。其後爲白紵歌。後魏穆子容太公呂望碑辭：「佐命周室，開邑齊土。北控趙燕，南臨鄒魯。一匡九合，懸車束馬。位極三事，勳高萬古。」韻補：「馬，滿補切。說文：『馬，武也，怒也。』史記索隱音姥。毛詩凡馬皆讀如姥。」陳第曰：「古馬字音姥，莽字亦音姥，漢有馬何羅者以反伏誅，明德皇后惡其先有叛，改爲莽何羅，改字不改音，後轉爲母果反。」魏繆襲挽歌詩：「白日入虞淵，懸車息駟馬。造化雖神明，安能復存我。」晉潘岳西征賦：「野蒲變而成脯，苑鹿化以爲馬。假讒逆以天權，鉗衆口而寄坐。可以觀聲之變矣。」水經注：「馬邑川，俗謂之磨川，蓋狄語言訛馬、磨，聲相近故爾。」按：廣韻「媽」字尚音莫補切，在十姥韻。

者章也切。

古音渚。平聲則音諸。詩綱繆三章：「綱繆束楚，三星在戶，今夕何夕，見此粲者，子兮子兮，如此粲者何。」巷伯六章：「彼譖人者，誰適與謀？取彼譖人，投畀豺虎。」者與「虎」爲韻。采綠四章：「其釣維何？維鯈及鱣。維鯈及鱣，薄言觀者。」駉見上。孔子猗蘭操：「習習谷風，以陰以雨。之子于歸，遠送于野。何彼蒼天，不得其所。逍遙九州，無所定處。時人闇蔽，不知賢者。」楚辭九歌湘夫人：「捐余袂兮江中，遺余襟兮澧浦。搴汀洲兮杜若，

將以遺兮遠者。時不可兮驟得，聊逍遙兮容與。」老子見入聲足字下。管子四稱篇：「不仁羣處，以攻賢者。」白心篇見後字下。莊子逍遙游篇：「子獨不見狸狌乎？卑身而伏，以候敖者。東西跳梁，不避高下，中於機辟，死於罔罟。今夫犧牛，其大若垂天之雲，此能爲大矣，而不能執鼠。今子有大樹，患其無用，何不樹之於無何有之鄉，廣莫之野。彷徨乎無爲其側，逍遙乎寢臥其下。不夭斤斧，物無害者，無所可用，安所困苦哉！」以者、下、罟、鼠、野、下、斧、者、苦爲韻。

荀子大略篇：「流丸止於甌臾，流言止於智者。」

史記秦始皇紀見上。

淮南子

俶真訓：「逮至夏桀殷紂，燔生人，辜諫者，爲炮烙，鑄金柱。」

說山訓：「譬猶倮走而追狂人，

淮

盜財而予乞者，竊簡而寫法律，蹲踞而誦詩書。」

大戴禮公符篇孝昭冠辭：「溥溥之土，承天

之神，興甘風雨。庶卉百穀，莫不茂者。」

韓詩外傳：「肅肅鵠羽，集於芭栩。王事靡盬，不能

南

藝稷黍。父母何怙？悠悠蒼天，曷其有所予。道不行邪，使汝願者。」

漢枚乘梁王菟園賦：

南

「選擇純熟，挈取含苴。復取其次，顧賜從者。」

司馬相如上林賦：「鼓嚴簿，縱獵者，江河爲

南

「陁，泰山爲櫓。」

嚴忌哀時命：「霧露濛濛其晨降兮，雲依斐而承宇。虹霓紛其朝霞兮，夕澑

南

「澑而淋雨。怊茫茫而無歸兮，悵遠望此曠野。下垂釣於谿谷兮，上要求於僊者。」

東方朔七

南

「諫見下。」

王褒九懷：「天門兮墜戶，孰由兮賢者。無正兮溷廁，懷德兮何覩。假寐兮愍斯，

南

「誰可與兮寤語。」

易林訟之家人：「戴堯扶禹，從喬彭祖。西遇王母。道路夷易，無敢難

南

者。」師之小過：「鄰不我顧，面望玉女。身多癩疾，誰肯婦者？」大過之泰：「當年少寡，獨與孤處。雞鳴犬吠，無敢誰者。我生不辰，獨嬰寒苦。」大壯：「左有噬熊，右有齧虎。前觸鍊矛，後蹠彊弩。無可抵者。」列女傳楚野辯女頌：「辯女獨乘，遇鄭使者。鄭使折軸，執女忿怒，女陳其冤，亦有其序，鄭使慙去，不敢談語。」越絕書見上。又見走字下。張衡西京賦見平聲溝字下。「鄙生生乎三百之外，傳聞於未聞之口。」文選李善本「口」作「者」，音之與切。

漢三公山碑文見耦字下。

參同契見下。

黃庭經：「洞房紫極靈門戶，是昔太上告我者。左神公子發神語，右有白元併立處。」

至道不煩不旁迕，靈臺通天臨中野，方寸之中至關下，玉房之中神門戶，既是公子教我者。」

南齊書樂志見上。

元周伯琦六書正譌曰：

「者，專於切。古『諸』字，別事辭也。从白，即自字。从衆，古旅字，諧聲。秦刻詛楚文如此。借爲洲渚字，掌與切。又借爲卽物之辭，止野切。既爲借義所專，後人遂增水作渚以別之。諸、渚、者三字，古文一字也。」說文書諸、豬、儲、都、瘡、屠、渚、翥、鬻、楮、褚、堵、睹、賭、箸、暑、緒、署，皆以「者」得聲。按：止野反，即掌與反，秦詛楚文曰：「寘者冥室。」又曰：「率者侯之兵乂。」曰：「箸者石章。」皆是諸字。

堵

古音覩，亦音渚。

漢書地理志：「南陽郡堵陽。」韋昭曰：「堵，音者。」

張釋之傳同。後

漢書朱祐傳註同。

左傳僖七年：「鄭有叔詹、堵叔、師叔。」堵，丁古反，又音者。

襄十年：

「司氏、堵氏。」堵音者，或丁古反。

十五年：「鄭人奪堵狗之妻。」堵音者。

儀禮燕禮註：

「公父文伯飲南宮敬叔酒，以路堵父爲客。」堵音者。

今此字兩收於十姥、三十五馬部中。

## 赭

古音渚。

漢書禮樂志郊祀歌天馬篇：「大一況，天馬下。霑赤汗，沫流赭。」

王褒責鬚

奴辭：「豈若子鬚，既亂且赭，枯槁禿瘁，劬勞辛苦，汗垢流離，汙穢泥土。」

詩疏引齊語：「問

婦人欲買赭，不謂竈下有黃土。」

東觀漢記：「明德馬太后引俗語：『時無赭，澆黃土。』」

野羊者切。

古音墅。

書禹貢：「荆岐既旅，終南惇物，至於鳥鼠。原隰底績，至於豬野。三危既宅，

三苗丕敘。」

詩燕燕首章：「燕燕于飛，差池其羽。之子于歸，遠送于野。瞻望弗反，泣涕如

雨。」叔于田見上。

葛生首章：「葛生蒙楚，蔽蔓于野。予美亡此，誰與獨處。」株林見

上。

七月五章：「五月斯螽動股，六月莎雞振羽。七月在野，八月在宇，九月在戶。十月蟋蟀

入我牀下。穹窒熏鼠，塞向墐戶。嗟我婦子，曰爲改歲，入此室處。」

東山見入聲蠋字下。

鴻鴈見下。

鶴鳴首章：「鶴鳴于九皋，聲聞于野，魚潛在淵，或在于渚。」

小明首章：「明明

上天，照臨下土。我征徂西，至于艽野。二月初吉，載離寒暑。心之憂矣，其毒太苦。念彼共

人涕零如雨。豈不懷歸，畏此罪罟。」何草不黃三章：「匪兕匪虎，率彼曠野。哀我征夫，朝夕不暇。」篤公劉三章：「京師之野，于時處處，于時廬旅。于時言言，于時語語。」駉見上。

閼宮二章：「至于文武，纘大王之緒。致天之届，于牧之野。無貳無虞，上帝臨汝。敦商之旅，克咸厥功。」王曰：「叔父，建爾元子，俾侯于魯。大啓爾宇，爲周室輔。」左傳見上。孔子猗蘭操見上。

然天乎羽之野。」

穆天子傳荅西王母謠：「予歸東土，和治諸夏。萬民平均，吾顧見汝。比及

三年，將復而野。」

世民吟：「北徂西土，爰居其野。虎豹爲羣，於鵠與處。」越語：「范蠡對

王：往從其所，剛強以禦。陽節不盡，不死其野。彼來從我，固守勿與。」

管子地員篇：「凡聽羽，如鳴馬在野。」莊子逍遙遊篇見上。在宥篇：「今夫百昌皆生於土而反於土，故余將去女入無窮之門，以游無極之野。」

大戴禮曾子制言上篇：

「近市無賈，在田無野，行無據

旅。」五帝德篇：「舜之少也，惡穎勞苦。二十以孝聞乎天下，三十在位嗣帝所，五十乃死，葬

於蒼梧之野。」荀子見去聲榭字下。

呂氏春秋介立篇：「介子推賦詩曰：有龍于飛，周徧

天下，五蛇從之，爲之丞輔。龍反其鄉，得其處所，四蛇從之，得其露雨。一蛇羞之，槁死於中

野。」逸周書小明武解：「上困下騰，戎遷其野，敦行王法，濟用金鼓。」

六韜農器篇：「故必使遂其六畜，闢其田野，究其處所，丈夫治田有畝數，婦人織紝有尺度。」淮南子原道訓：「利

貫金石，強濟天下。動溶無形之域，而翱翔忽區之上，遭回川谷之間，而滔騰大荒之野。有餘不足與天地取與，授萬物而無所前後。「卓然獨立，塊然獨處，上通九天，下貫九野，員不中規，方不中矩。」  
《淑真訓》：「若夫真人則動溶于至虛，而游于滅亡之野。騎飛廉而從敦圓。馳於方外，休乎宇內，燭十日而使風雨。」  
《臣雷公》：「役夸父，妾宓妃，妻織女。」  
《地形訓》：「自東北方曰和丘，曰荒土；東方曰棘林，曰桑野；東南方曰大窮，曰衆女；南方曰都廣，曰反戶；西南方曰焦僥，曰炎土；西方曰金丘，曰沃野；西北方曰一目，曰沙所；北方曰積冰，曰委羽。」  
凡八紘之氣，是出寒暑，以合八正，必以風雨。」  
《精神訓》：「反復終始，不知其端緒，甘瞑太宵之宅而覺視于昭昭之宇，休息于無委曲之隅，而游敖于無形埒之野。居而無容，處而無所。」「處大廓之宇，游無極之野。」  
《兵略訓》：「故黃帝戰於涿鹿之野，堯戰於丹水之浦，舜係有苗，啓攻有扈。」  
《漢司馬相如上林賦》：「煌煌扈扈，照曜鉅野。」  
《嚴忌哀時命見上》：「王褒四子講德論

見去聲寇字下。  
《易林乾之中孚》：「舜升大禹，石夷之野。徵詣王庭，拜治水土。」  
《師之姤》：「多載重負，捐棄于野。小任其大，但自勞苦。」  
《咸之旅》：「久客外野，使我心苦。」  
《困之震見走字下。》  
《震之豫見下。》  
《渙之損》：「有莘外野，不逢堯主。復歸窮處，心勞志苦。」  
《說苑復恩篇見下。》

《尊賢篇》：「詩曰：縣縣之葛，在於曠野。良工得之，以爲絺綷。良工不得，枯死於野。」  
《談叢篇》：「善不可以偽來，惡不可以辭去。近市無賈，在田無野，善不逆旅，非仁義剛武。

無以定天下。」揚雄逐貧賦：「揚子遁世離俗獨處，左鄰崇山，右接曠野。鄰垣乞兒，終貧且  
寢。禮薄義弊，相與羣聚。惆悵失志，呼貧與語。」太僕箴：「詩好牡馬，牧於坰野。輦車就  
牧，而詩人興魯。」漢書敘傳：「至于孝武，爰赫斯怒，王師雷起，霆擊朔野。」後漢書光武紀  
赤伏符：「劉秀發兵捕不道，四夷雲集龍鬪野，四七之際火爲主。」班固西都賦：「種別羣分，  
部曲有署，罘罿連紜，籠山絡野，列卒周帀，星羅雲布。」崔瑗河隄謁者箴：「疏爲砥柱，率彼  
河滸，大陸既礙，播于北野。」張衡思玄賦：「蹶白門而東馳兮，云台行乎中野。亂弱水之潺  
湲兮，逗華陰之湍渚。號馮夷俾清津兮，櫂龍舟以濟予。會帝軒之未歸兮，悵徜徉而延佇。惄  
河林之蓁蓁兮，偉關雎之戒女。」王延壽魯靈光殿賦：「於是百姓昭明，九族敦序。乃命孝  
孫，俾侯于魯。錫介珪以作瑞，宅附庸而開宇。乃立靈光之祕殿，配紫微而爲輔。承明堂於少  
陽，昭列顯於奎之分野。」參同契上九：「亢龍戰，德于野。用九翩翩，爲道規矩。」邵正釋  
譏：「故君臣協美於朝，黎庶欣戴於野，動若重規，靜若疊矩。」魏陳思王東征賦：「循戈櫓於清  
流兮，汜雲梯而容與。禽元帥於中舟兮，振靈威於東野。」閒居賦：「入虛廓之閒館，步生風之  
廣廡。踐密邇之修除，即蔽景之玄宇。悲翠翔於南枝，玄鶴鳴於北野。青魚躍於東沼，白鳥戲  
於西渚。」文帝誄：「德儕先王，功侔太古。上靈降瑞，黃初倣祐。河龍雒龜，陵波游下。平鈞  
應繩，神鸞翔舞。數莢階除，系風扇暑。皓獸素禽，飛走郊野。」泰山梁甫行：「八方各異氣，